

Visoki predstavnik donio odluku kojom je Regulatornoj agenciji za komunikacije omogućio pristup operativnim sredstvima

Visoki predstavnik, Paddy Ashdown, je u srijedu donio Odluku o izmjenama i dopunama strukture rashoda Regulatorne agencije za komunikacije (CRA) za 2002. godinu da bi CRA mogla nastaviti funkcionirati. Ovom Odlukom se daje zakonska snaga odluci koju je većinom glasova već donijelo Vijeće ministara BiH kako bi se osigurala odgovarajuća finansijska sredstva za Regulatornu agenciju za komunikacije (CRA) do odobrenja njenog sljedećeg godišnjeg budžeta.

Regulatorna agencija za komunikacije (CRA) se u potpunosti finansira vlastitim sredstvima koja ostvaruje naplaćivanjem naknada za dozvole koje plaćaju svi telekomunikacijski i radio-difuzni operateri, ali njen pristup ovim sredstvima je ograničen na budžetske stavke koje je utvrdio Parlament BiH. Budžet Regulatorne agencije za komunikacije je prvobitno smanjen za 25 procenata u 2002. godini u poređenju sa 2001. godinom a da jednake izmjene njenih budžetskih stavki nisu izvršene. Visoki predstavnik je današnju Odluku donio kako bi racionalizirao budžetske stavke a istovremeno zadržao sveukupni budžet Regulatorne agencije za komunikacije u okvirima koje je usvojio Parlament. Ovo je bilo neophodno uraditi kako bi se osiguralo da Regulatorna agencija za komunikacije nastavi raditi efikasno i neovisno, te na taj način održi radio-difuzno i komunikacijsko okruženje u BiH koje je u skladu sa evropskim standardima.